

Khilafah – ki li été ça ?

Nou koné ki dan la relizyon, boukoup sectes inn formés dépi la nuit des temps. Sak secte inn esaye prouvé ki li en raison et li tout sel lor la vérité et li pou gagne paradis. Parmi bann sectes inn fondé éna kelke bananés de cela, nou gagne :

1. *Hizb-ut-tahrir* (parti de libération ; konu dépi 1953 et fondé par Taqi al-Din al Nabhani et leader c Ata Abu Rashta. Ziska ler mo pa kone aukaine libération ki li finn fer).
2. *Khilafah* (zott enkor pé atann enn khalife pou vini et pou met l'orde pareil kuma Jésus et mahdi pou vini et pou met l'orde).
3. *Muhajiroun* (bann émigrants ki pa enkor émigrés).

Si mo pa trompé, tous les 3 sectes pé vise enn sel but : instituer le système de « *khilafah* » pou kapav met enn l'orde dan la vie bann mizilmans, enn la vie ki zott zigé en bas la haut ; pou kapav unir zott parski zott finn divisés et zott oussi zott inn fer division et pou kapav applik *shariah* (lois islamiks). Taler, kan nou get définition « *khilafah* » nou pou truvé ki ça secte là pé fer foss route, komplètma foss.

Pou kumencé, par le fait ki zott finn institué enn nouvel secte, ça montré ki zott finn azoute enn lot avec c ki ti déza éna et zott kré enn division ki zott mem dire bizin unir dan zott artiks ki moi kroire enkor en draft mem (artik 4). Mo pa kroire ki zott pou dire ki mo dan erreur. D'ailèr, so bann artiks de so konstitution mem prouvé ki zott opté pou unir bann mizilmans. Mais kuma zott pou fer ça kan zott mem zott finn kré enn secte et zott kré division ? Zott pa truvé ki li kontradictoire ça ? Zott fer pareil kuma *hizbullah* et *salaafi* jamaat. Bizin vine zoine zott secte là, ler là to vine enn bon mizilman et to pou gagne paradis. Zott pé divagué ? Mo kroire zott oussi zott bann *salaafi*, d'après informations récoltées.

Hizb ut tahrir, so 3 principaux l'artiks zott :

1. Konstrire enn idéologie pou bann mizilmans, enn idéologie ki basé lor quran, sunna et *ijma'* bann kompagnons.
2. Etablir enn l'état kot li dirigé par en *kalife* ou bien li donn l'orde tous mizilmans et zott bizin mars d'après so l'orde (mo suposé enn état islamik).
3. Unir bann mizilmans lor enn sel plato.

Dan so bann le zott idéologies, nou gagne :

- ✓ **Pan-islamisme** (Partie importante de l'islamisme).
- ✓ **Islamisme** (Désigne, depuis les années 1970, un courant politique de l'islam faisant de la charia la source unique du droit et du fonctionnement de la société dans l'objectif d'instaurer un État musulman régi par les religieux).
- ✓ **suprémacisme musulman** (Idéologie qui postule la supériorité d'un peuple ou d'une civilisation sur tous les autres, et légitime ainsi leurs aspirations hégémoniques).
- ✓ **Caliphalisme** (Statut juridique d'une société humaine caractérisée par la propriété privée des moyens de production et leur mise en œuvre par des travailleurs qui n'en sont pas propriétaires.).
- ✓ **Salafisme** (Courant fondamentaliste de l'islam, qui prône aujourd'hui un retour à la religion pure des anciens en recourant à une lecture littérale des sources).
- ✓ **Jihadisme** (Effort sur soi-même que tout musulman doit accomplir contre ses passions).

- ✓ **Anti-laïcité** (Contre la conception et organisation de la société fondée sur la séparation de l'Église et de l'État et qui exclut les Églises de l'exercice de tout pouvoir politique ou administratif, et, en particulier, de l'organisation de l'enseignement).
- ✓ **Sentiment anti-occidental** (Contre le sentiment qui est relatif à la civilisation européenne, par opposition aux civilisations asiatique, africaine).
- ✓ **Sentiment anti-hindou** (Sentiment contre l'hindouisme et zott idéologie).
- ✓ **Sentiment anti-chrétien** (sentiment contre le christianisme et zott idéologie).
- ✓ **Anti-nationalisme** (Mouvement politique d'individus qui prennent conscience de former une communauté nationale en raison des liens (langue, culture) qui les unissent et qui peuvent vouloir se doter d'un État souverain).
- ✓ **Antisémitisme** (Contre la doctrine ou l'attitude systématique de ceux qui sont hostiles aux juifs et proposent contre eux des mesures discriminatoires).
- ✓ **Antisionisme** (contre hostilité à l'existence ou à l'extension de l'État d'Israël).
- ✓ **Anti-démocratie** (Contre le système politique, formé de gouvernement dans lequel la souveraineté émane du peuple).
- ✓ **Anti-libéralisme** (Contre la doctrine économique qui privilégie l'individu et sa liberté ainsi que le libre jeu des actions individuelles conduisant à l'intérêt général. Contre la doctrine politique visant à limiter les pouvoirs de l'État au regard des libertés individuelles).
- ✓ **Anti-capitalisme** (Contre le statut juridique d'une société humaine caractérisée par la propriété privée des moyens de production et leur mise en œuvre par des travailleurs qui n'en sont pas propriétaires).
- ✓ **Anti-communisme** (Contre la théorie visant à mettre en commun les biens matériels. Contre la formation économique et sociale caractérisée par la mise en commun des moyens de production et d'échange, par la répartition des biens produits suivant les besoins de chacun, par la suppression des classes sociales et l'extinction de l'État qui devient l'administration des choses).

Ça c 2^e aspects so idéologie.

Avan nou kontinué, mo tia voudré koné ki *hizb ut tahrir* oulé dire par idéologie, et d'ailèr tous bann ki servi ça terme là, kome *tawhid jamaat*, *sunnat jamaat* et *salafi jamaat* ?

Autant ki mo koné, ça c enn mot nuvo, ki bann dimounes servi. Ni dan quran, ni dan hadiths, ni d'après *ijma'* bann kompagnons, ça mot là pa existé. *Tawhid jamaat* ou *sunnat jamaat* oussi servi ça terme là. Là mem nou truvé ki éna dérapage kan zott pé attribué à l'islam c ki na pa là dan. Aster esaye imaginé ki zott pou fer ou pou dire concernant la relizion en zénéral.

Apré, bann mizilmans dire ki quran et hadiths c 2 sources de l'islam. Apré bann *salafis* dire ki éna enn en plis : kompréhension bann kompagnons, ça mem ki bann *hizb ut tahrir* dire et c ki fer pen c ki zott pro-*salafistes*. A b si ça 3 kitsozes là représente la relizion et li forme so konstitution, ki fer les zott bizin invente bann programme pou zott et ki zott appel la konstitution de l'organization? Eski zott pé oulé fer enn konstitution dan enn lot konstitution (si mo komprend bien enn konstitution basé lor quran, hadiths, *ijma'*, *qiyas* etc.) ?

Eski zott oulé lance enn défi bon dieu et dire li ki li péna aukaine konstitution li ?

Zott tous, mizilmans, dire ki quran enn konstitution universel et li finn révélé kome guide pou bann mizilmans et bann dimounes en zénéral. Quran éna 6, 236 versets et dan 6, 236 éna tous kalités sujets ki li finn traité. Mais ler nou get konstitution ça bann ki adopté soi-disant *khilafah* là, nou truvé ki li éna 191 l'artik. Mo kapav fer enn résumé ça bann l'artik là :

1. Idéologie ça mem source tout governma ou l'otorité ou l'état (artik 1).
2. Enn *kalife* éna pouvoir adopté la loi *shariah* (artik 3).
3. Tous bann dimounes bizin traité *pareils* dan l'état là, pé import zott relizion, race ou koulèr (artik 6).
4. Non-mizilmans gagne droit suive zott kroyance et relizion (artik 7b).
5. Apostat bizin xékité (artik 7c).
6. Enn mizilman marié ek enn non mizilman, ça li permet si mariage là fer d'après *shariah* (artik 7e). Impé drôle ki ça mariage là fer d'après *shariah* ! Wow !
7. Désigne enn khalife li obligatoire lor sak mizilman (artik 22-3) ainsi de suite. Mais kan bizin désigne li ?

Ça c enn 2 l'artiks ki mo finn cité. Ena en tous 19 katégoris titres bann l'artiks là :

- Règle zénéral (artiks 1-15).
- Système bann décisions (artiks 16-23).
- Khilafah (artiks 24-41).
- Assistant délégué (artiks 42-48).
- Assistant Xécutèr (artiks 49-51).
- Gouvernèrs provinces (artiks 52-60).
- Emir guerre sainte (artiks 61-69).
- Sékirité interne (artiks 70-72).
- Affaires étranjèrs (artik 73).
- Départma industrie (artik 74).
- Zidicièr (artiks 75-95).
- Système administratif (artiks 96-101).
- Bait ul maal (artik 102).
- Information (artiks 103-104).
- Konsiltation (artiks 105-112).
- Système social (artiks 113-122).
- Système ékonomik (artiks 123-169).
- Edukation politiks (artiks 170-180).
- Affaires étranjèrs (artiks 181-191).

Est-ce tous ça là ti bizin éna kan quran inn révélé et hadiths oussi éna ?

Aster là, nou alle get définition « *khilafah* » (kalifat) et « *khalif* » (*kalife*), ler là nou pou komprend ki ça secte là finn dérouté komplètma.

Mot « *khilafah* » sorti dan verbe « *khalafa* » ki vé dire, d'après dictionèrs :

Prendre la place d'un autre ; succéder à ; à venir après ; remplacer ; suivre ; laisser la place à.

Dan kontexte quran, le mot « *khalafa* » et so bann dérivé mentioné 38 fois et li vé dire :

« *Khalf* » : derrière, vine apré (2/66, 255 ; 3/170 ; 4/9 ; 7/17 ; 7/169 ; 8/57 ; 10/92 ; 13/11 ; 19/64 ; 20/110 ; 21/28 ; 22/76 ; 34/9 ; 36/9, 45 ; 41/14, 25 ; 41/42 ; 46/21 ; 72/27).

« *Yastakhlifu* » : met dan la place, remplacé, met kome vice-gérant, fer vine apré (6/133 ; 7/129 ; 11/57).

« *Khulafa* » : (pluriel de *khalifa* » succédé, vine après, venir après (7/69, 74 ; 27/62).

« *Ukhlufni* » : remplace moi (7/142).

« *Khalaftumuni* » : zott finn fer après moi (7/133).

« *Khalafa* » : Finn succéder, finn vine après (7/169 ; 19/59).

« *Ustuhlifa* » : fer vine après (24/55).

« *Khalifa* » : *Kalife*, successeur, vice-gérant (2/30 ; 38/26).

« *Khalaaf* » (pluriel de *khalifa*) : (6/165 ; 10/14 ; 10/73 ; 35/39).

Dan tous ça bann définitions là, nou truve principalma : *succéder*, *remplacer*. Dan encyklopédie Larousse, nou gagne :

- *Parvenir après quelqu'un à une fonction, à un emploi, à une dignité ; relayer ; relever ; remplacer.*
- *Obtenir par droit de succession, par héritage ; recueillir une succession ; hériter.*

Li klair ki d'après Xplikation ki Larousse pé donné, en *kalife* (successeur) bizin pé suivre enn lot *kalife* désigné ou élu par le public (succédé). Par Xemple, après la mort prophet, Abu Bakr finn ête choisi par élection sékret, alors ki bann les zott pa ti koné ki pé élire li kome *kalife*. Après so assassinat, Umar finn succède li et li finn vine *kalife*. Après ça Uthman finn prend la barre et finalma Ali inn vine 4^e. C c ki bann mizilmans appels les *kalifes* bien-guidés. C ça vré système « *khalifa* ».

Bazant lor ça système là, nou konklure ki « *khilafa* » kuma nou éna li zordi, li totalma foss et farfelu. Bann ki suivre ça système là, zott finn dérouté komplètma et zott pé fer les zott oussi dérouté.

Système « *khilafa* » moderne dire ki zott pé atann enn *kalife* vini pou vine met l'orde (mo croire mo pa pé fer erèr là). Zott pa pé dire ki zott bizin élire enn kalife et ki li bizin parmi quereish. C enn kitsoze ki pa pensab mem, vue bann faits ki pou dire zott au kour ça xposé là. D'après zott, enn *kalife* pou vini mais selma pa koné ki sanla li pou **succéder** vue ki bann *kalifes* inn fini traversés, d'après hadiths et d'après bann ulama oussi. Li enn *kalife* ki pa pou **succéder**. Eski li bon là ? Taler nou pou analyse bann hadiths et nou pou truvé komié ça bann dimounes là zott lor fossté.

Bann sectes ki Xisté parmi bann mizilmans éna zott guru, sakaine pou li. A nou gé t :

- *Tawhid jamaat* éna zott guru dan la person d'*Abu Hanifa*, ki zott dire li *imam-é-a'zam*. Zott prend li pou zott guru et tous c ki li dire vré. En plis zott éna bann ti savants ki zott konsidéré. Ena oussi *mahdi* ki zott dire pou vini, pareil kuma bann *khilafa* dire ki enn *kalife* pou vini.
- *Sunnat jamaat* oussi éna zott guru en la person d'*Ala Hazrat (Ahmad Raza Khan)* ki zott prend li pou zott guide spirituel et zott la guerre pou li, zott défann li, en plis ki zott dire éna *Abu Hanifa*. Zott croire oussi dan *mahdi* ki pou vini et pou met l'orde dan désorde.
- *Salafi jamaat* éna zott guru en la person d'*Ibn Taimiya* et *al bani*. Zott croire oussi dan *mahdi*.
- *Tabligh jamaat* éna zott guru en la person de *Maulana Saad*. Zott croire oussi ki *mahdi* pé vini.

- *Qadiani (Ahmadi)* éna zott guru en la person de *Mirza Ghulam Ahmad*, ki bann *sunnites* dire ki li finn déklare li mem prophet, ou bien enn person à ki bon dieu inn kozé ou bien *mahdi*.
- *Shiah* ki éna, réçama, *Khomeiny* kome guide spirituel, en plis ki zott pé atann *mahdi* et 12 *imams* ki finn prédire par *Muhammad*. Zott dire ki tous les 12 là inn fini vini.

Enfin, nou éna bann :

- *Khilafah*, ki éna *Taqi al Din al Nabhani* et zott leader c *Ata Abu Rashta*. Zott, zott pé atann ki enn *kalife* vini pou met l'orde en sus de l'*imam mahdi*. Sel différence ki éna entre zott et bann le zott sectes ki mo finn mentionés là haut, c ki zott *kalife* pa enkor vini et zott pé atann avek la bouzi rouze.

Tous ça bann sectes là dan foss. D'ailèr, zamais ti bizin éna sectes dan l'islam, pa vrai ? Tous ça c bann zistoires ki fer dormi dibout et c bann légendes invréssemblab.

Pli tard mo pou vine lor :

- Retour de Jésus, vré ou fo ?
- Avènement de *mahdi*, vré ou fo ?
- Avènement de *dajjal*, vré oui fo.

Ler mo pou Xplik zott lor ça 3 personazes là, zott pou truvé à ki point bann mizilmans finn égaré et zott pé kroire pareil kuma chrétiens kroire dan la bible. A force bann savant finn endoctrine zott, zott népli truve klair.

Alors, lor ki bann *khilafah* basé pou dire ki pou éna enn *kalife* pi bizin vini et non pa bizin élire ? Ki sanla ki li pou succéder ? D'après moi, person parski, oussi longtemps ki mo koné, péna aukaine *kalife* à l'épok aktuel. D'après terminologie, *khilafah* et *khalife* vé dire « succéder » ou bien « vine après ». A moins éna enn nuvo dictionnaire ki définir ça bann mots là !

Si zott dire ki zott baze zott lor zott propre l'opinion ou zott système *khilafah*, a b li korek, malgré ki zott dire ki zott base zott lor quran, *sunnah*, *ijma'* etc. etc.

Si zott dire zott baze zott lor *sunnah*, a b ler là mo bizin fer analyse *sunnah* là pou koné ki li pé dire et ki zott, zott pé dire.

جَابِرُ بْنُ سَمُرَةَ... سَمِعْتُ رَسُولَ اللَّهِ يَوْمَ جُمُعَةٍ عَشِيَّةَ رَجَمَ الْأَسْلَمِيَّ يَقُولُ لَا يَزَالُ الدِّينُ قَائِمًا حَتَّى تَقُومَ السَّاعَةُ أَوْ يَكُونَ عَلَيْكُمْ اثْنَا عَشَرَ خَلِيفَةً كُلُّهُمْ مِنْ قُرَيْشٍ.

1 – Jabir finn dire... mo finn tann messenger de dieu dire, enn vendredi soir, kan al Aslami ti ête lapider : La religion pou reste dibout ziska zour ler pou sonné ou bien pou éna 12 *kalifes* parmi zott et tous pou parmi qureish (*muslim* : livre 20, *hadith* 4483 ; *abu dawood* : livre 37, *hadith* 4266 ; *ahmad* : vol. 34, page 421, *hadith* 20830 ; *mustakhraj abu 'awana* : vol. 15, page 94, *hadith* 7437 ; *kanz ummal* : vol. 11, page 135, *hadith* 30929 ; *jam'u fawaid* : vol. 2, page 433, *hadith* 5950).

Si nou get ça *hadith* là bien, nou truvé ki, oussi longtemps ki la relizion pou dibout, pa pou éna qayamat, malgré ki la relizion azordi (islam) vine vire en bas la haut, li enn relizion sectariste (kré bann sectes) et divisionniste (kré divisions). Péna person ki kapav nier ça fait là. Mais après li dire, tant ki péna 12 *kalifes*. C ki laisse entann ki douze *kalifes* là pa enkor vini, c ki bann *khilafah* pé atann, pa vré ? Mais si 12 *kalifes* là inn fini vini, a b kot qayamat là été ? C ki problèm là dan, c ki tous 12 *kalifes* là pou parmi qureish. Eski azordi, dan le

monde, éna qureish ? Si zott dire non, a b ler là mo bizin dimandé kot qayamat là été ? Kan li finn éna lieu ?

عَنْ أَبِي حَازِمٍ قَالَ قَاعَدْتُ أَبَا هُرَيْرَةَ خَمْسَ سِنِينَ فَسَمِعْتُهُ يُحَدِّثُ عَنِ النَّبِيِّ قَالَ كَانَتْ بَنُو إِسْرَائِيلَ تَسُوسُهُمُ الْأَنْبِيَاءُ كُلَّمَا هَلَكَ نَبِيٌّ خَلَفَهُ نَبِيٌّ وَإِنَّهُ لَا نَبِيَّ بَعْدِي وَسَتَكُونُ خُلَفَاءُ فَتَكْثُرُ.

2 – Abu Hazim finn dire : Mo finn assize avek Abu Huraira pendant 5 ans et mo finn tann li dire ki prophet finn dire : Banu Israël ti éna bann prophets ki ti dirize zott. Sak fois ki enn prophet mort, enn lot prophet succède li. Mais après moi pa pou éna prophet et pou éna boukoup bann kalifes (bukhari : vol. 4, livre 55, hadith 661 ; muslim : vol. 4, ibn maja : vol. 4, livre 24, hadith 2871 ; muslim : livre 20, hadith 4543 ; ibn hibban : vol. 10, page 345, hadith 4493 ; sunan kubra : vol. 8, page 249, hadith 16548 ; jam'u fawaid : vol. 2, page 433, hadith 5955).

Prophet inn Xpliké klairma ki enn prophet succède enn lot prophet ki finn mort. Prophet pa finn dire ki après enn bon l'épok (kelke années) enn lot prophet inn vini. D'ailèr, le mot succéder mem dire enn après lot. Mais aster là, li dire ki pou éna boukoup *khalifes* (et non pa 12 selma). Eski 12 li représente boukoup ça ? Ou bien li finn laisse *khilafa* atann enn *kalife* pou vini, pa koné ki l'épok et péna person ki li pou succéder ?

عَنْ أَبِي نَضْرَةَ قَالَ ... قَالَ قَالَ رَسُولُ اللَّهِ يَكُونُ فِي آخِرِ أُمَّتِي خَلِيفَةٌ يَخْشَى الْمَالَ حَشْيًا لَا يَعُدُّهُ عَدَدًا.

3 – Abu Nadra finn dire ki le messenger de dieu finn dire : Dan dernier l'épok mo *ummat*, pou éna enn *kalife* ki pou laisse l'arzent sans ki li prend enn kompte (muslim : livre 41, hadith 6961 ; ibn hibban : vol. 15, page 75, hadith 6682 ; kanz ummal : vol. 14, page 263, hadith 38655).

Dan ça hadith là, le prophet koze dernier l'épok mais li pa dire ki pou éna qayamat et li dire enn sel *kalife* tandis ki dan précédan, li dire 12 et après li dire boukoup. Eski ça mem *kalife* ki bann *khilafah* pé atann ?

عَنْ جَابِرِ بْنِ سَمُرَةَ قَالَ سَمِعْتُ رَسُولَ اللَّهِ يَقُولُ لَا يَزَالُ هَذَا الدِّينُ عَزِيزًا إِلَى اثْنَيْ عَشَرَ خَلِيفَةً. قَالَ فَكَبَّرَ النَّاسُ وَضَجُوا ثُمَّ قَالَ كَلِمَةً خَفِيَّةً قُلْتُ لِأَبِي يَا أَبَتِ مَا قَالَ قَالَ قَالَ كُلُّهُمْ مِنْ قُرَيْشٍ.

4 – Jabir ibn Samura finn dire ki li finn tann messenger de dieu dire : Ça relizion là pou reste ferme ziska 12 *kalifes*. Li dire : Bann dimounes finn fer *takbir* et finn éna enn brouhaha. Ensuite li finn dire enn parole pa distinct (kasiet). Mo dire mo papa : O papa ! Ki li finn dire : Li dire : Zott tous pou sorti dan qureish (abu dawood : livre 37, hadith 4267).

عَنْ جَابِرِ بْنِ سَمُرَةَ قَالَ سَمِعْتُ النَّبِيَّ يَقُولُ لَا يَزَالُ أَمْرُ النَّاسِ مَاضِيًا مَا وَلِيَهُمْ اثْنَا عَشَرَ رَجُلًا. ثُمَّ تَكَلَّمَ النَّبِيُّ بِكَلِمَةٍ خَفِيَّةٍ عَلَيَّ فَسَأَلْتُ أَبِي مَاذَا قَالَ رَسُولُ اللَّهِ فَقَالَ كُلُّهُمْ مِنْ قُرَيْشٍ.

5 – Jabir ibn Samura finn dire ki li finn tann prophet dire : La situation bann dimounes pou kontinué marsé oussi longtemps ki 12 zomes pa dirige zott. Ensuite prophet inn dire enn parole (mot) ki pa distinct (kasiet) et mo finn dimann mo papa : Ki messenger de dieu finn dire ? Li dire : Zott tous pou sorti dan qureish (muslim : livre 20, hadiths 4478, 4480)

عَنْ جَابِرِ بْنِ سَمُرَةَ قَالَ قَالَ النَّبِيُّ لَا يَزَالُ هَذَا الْأَمْرُ عَزِيزًا إِلَى اثْنَيْ عَشَرَ خَلِيفَةً. قَالَ ثُمَّ تَكَلَّمَ بِشَيْءٍ لَمْ أَفْهَمْهُ فَقُلْتُ لِأَبِي مَا قَالَ فَقَالَ كُلُّهُمْ مِنْ قُرَيْشٍ.

6 – Jabir ibn Samura finn dire ki li finn prophet dire : ça situation là pou kontinué reste ferme ziska ki pou éna 12 *kalifes*. Ensuite li finn prononce enn parole ki mo pa finn komprend. Mo dire mo papa ki li finn dire ? Li dire : Li finn dire zott tous pou parmi qureish (*muslim : livre 20, hadiths 4481, 4482 ; ahmad : vol. 34, page 472, hadith 20927*).

Ler nou analyse ça bann hadiths là, nou truvé ki :

1. La relizion pou reste ferme ziska ki 12 *kalifes* pou vini. Zott tous pou sorte dépi qureish. Komié *kalifes* inn fini vini ziska zordi ? Eski ça *kalife* là mem ki bann *khilafah* pé atann et zott finn met enn konstitution pou li ? Kome si diré li pa pou kone naryen à koze ça li bizin enn konstitution pou aide li et guide li ? En plis, li pou sorti dépi qureish. Eski ki éna qureish zordi ? Mo pen c zott éna qureish parmi zott à koze ça ki zott pé atann !
2. Dan hadiths 2 & 4, li dire ki pou éna boukoup bann *kalifes*, eski ça mem 12 *kalifes* ki li appel boukoup là ? Ou bien li pé dire plis, pareil kuma li finn dire ki pou éna enn reformater sak 100 ans :

إِنَّ اللَّهَ يُبْعَثُ لِهَذِهِ الْأُمَّةِ عَلَى رَأْسِ كُلِّ مِائَةِ سَنَةٍ مَنْ يُجَدِّدُهَا دِينَهَا

Bon dieu pou avoye pou ça *ummat* là, enn reformater, sak 100 ans pou réforme si relizion (*abu dawood : livre 38, hadith 4278 ; mu'jam awsat : vol. 6, page 323, hadith 6527 ; hakim : vol. 4, page 467, hadith 8592 ; kanz ummal : vol. 12, page 193, hadith 34623*).

Si nou get dépi prophet inn mort, ziska zordi, nou gagne 14 reformaters en tous. Eski zott koné ki ça bann reformaters là ? Eski reformater vé dire *kalife* ou bien *imam* ou bien *amir* ou bien enn zome ? Sakaine parmi bann sectes dire ki éna enn reformater parmi zott. Ça mem reformater ki prophet là inn dire ?

3. Dan hadith 3, prophet dire ki pou éna enn *kalife* ki pou vini dernier l'épok so *ummat*. Li pé oulé dire parmi ça 12 là ou parmi ça boukoup là ou bien enn sel ki pou vini ? Eski ça mem ki bann *khilafah* pé atann azordi avek enn la bouzi rouze ?
4. Dan hadiths 5 & 6, li dire ki situation dimounes pou kontinué marsé ziska ki 12 *kalifes* vini. Vue la situation *ummat* zordi, nou truve ki li bien en bas la haut, avek tous ça bann sectes ki finn formés là, et sak secte dire ki li lor la vérité. Eski cela vé dire ki douze *kalifes* inn fini vini ? Si oui, ki ça bann imbéciles là pé atann avek la bouzi rouze ?

Ler nou get zistoire, nou truvé ki finn éna *kalife* dan preské tous bann sectes ki finn formé là. 1^{er} *kalife* c'éte Abu Bakr et dernier *kalife* c'éte **Abdul Majid II**, selon bann zistoire ki rakonté.

Zist apré la mort prophet, finn éna palabre pou prend so succession. Mais avan tout, ki succession ti bizin prend ? La prophétie finn fini avek la mort de Muhammad, donc ti bizin enn successeur, non pa pou la prophétie, mais supposé pou fer bann travaux ki li ti pé fer, péna naryen à fer avek la loi, n'a pas ? Abu Bakr finn vine successeur par voie sekrète. Ti fer élektion dan *saqifa* et éna ki pa ti d'akord avek Abu Bakr kome *kalife*. Enn sel palabre ti éna lor so élektion. Don, c ki mizilmans aksepté, c ki Abu Bakr inn vine 1^{er} *kalife*. A nou get enn koup :

1. Abu Bakr as Siddiq ;
2. Umar ibn al Khattab ;
3. Uthman ibn Affan ;
4. Ali ibn Abu Talib ;

5. Hasan ibn Ali ;
6. Kalifat de Umayyad (661-750) ;
7. Kalifat Abbasids (750-1517) ;
8. Kalifat Fatimid (909-1171) ;
9. Kalifat Ottoman (1517-1924) ;
10. Kalifat Sharifian (1924-1925) ;
11. Kalifat Sufi ;
12. Kalifat Ahmadiyyah (1908- ziska zordi) ;
13. Kalifat Shia.

Ler nou gé t, prophet zamais pa finn dire untel ou untel pou vine mo successeur directema. C par élektion sekrète ki li finn vine *kalife*, avek objektion bann les restes. Prophet so parole dire 12 *kalifes* mais nou finn arrive 13 dan bann sectes ki finn formé dan l'islam malgré ki quran et hadiths finn met en garde konte ça kitsoze là. Zordi éna enn nuvel secte ki finn vini et dire ki lé pé atann enn 15^e *kalife* vini pou met l'orde dan komunauté là, pareil kuma zott dire Jésus et *mahdi* pou vini, pou vine met l'orde. Tout ça là, c bann zistoires ki rakonté et ki fer dormi dibout. Mizilmans enkor koulions et li pou reste atann ça bann dimounes fiktifs là vini pou vine dressé. Ni Jésus, ni *mahdi*, ni dajjal pou vini parski c bann dimounes imaginaires et légendèrs.

Mo dimann ça bann imbéciles là arête atann enn *kalife* avek la bouzi rouze, parski, selon parole ki mo finn cité là haut, péna aukaine *kalife* ki pou vini.